


SOLEMINIS

[su chi ndi bessit a pillu de sa pàgina de “Wikipedia”]



SU LOGU

- **S'Àrea:** trexi chilomèturus quadraus (13 km²);
- **S'Artitùdini:** duxentus mèturus apitzus de su mari (200 m. s.l.m.);
- **Sa Densidadi:** centu-e-corantaduus vîrgula corantases bividoris po dònna chilomèturu quadrau (142,46/Km²);
- **Is Comunos a ingiriadura:** Partiolla, Serdiana, Sètimu, Sìnnia.

ÀTERAS COSAS DE SCIRI

- **Su Còdixi postali:** 09040
- **Su Prefissu:** 070
- **Su Còdixi ISTAT** (Istitutu Natzionali de Statistica): 111087
- **Ita ddus nant is bividoris:** in italianu “soleminesi”; in sardu campidanese “soleminesu”
- **Sa Provìntzia de appartenèntzia:** Provìntzia de sa Sardìnnia de bàsciu (Sud Sardìnnia, SU)
- **Su Santu Protetori de sa bidda:** Santu Jacu

Soleminis (**SOLEMINIS** in sardu) est unu comunu italianu de milli-e-otuxentus bintiduus (1822) bividoris (abarrendi firmus a su trinta de Làmpadas de su Duamilla-e-dexenoi) de sa provìntzia de sa Sardìnnia de bàsciu (Sud Sardìnnia), a pagu prus de dexeotu chilomèturus (18 km) de Casteddu, a s'oru de s'arruga statali trexentus otantaseti (SS387).

STÒRIA

In su logu de Solèminis ddui bivit genti giai in s'antigòriu comenti amostant is àreas archiològicas de “Facc'e 'Idda”, “Is Calitas” e “Cùccuru Crèsia Arta”.

Sa bidda dda arremonant sa primu borta in su de ùndixi sèculus (XI sec.); a su tempus de is Giudicaus, Solèminis arruiat in su Giudicau de Casteddu, in sa Curadoria de su Partiolla. Sparèssiu custu in su Milli-e-duxentus cincuantotu (1258), Solèminis fiat passada prima a su Giudicau de Arborea e, apustis, a su Comunu de Pisa.

Candu is Aragonesus si-nci fiant postus meris de sa Sardìnnia, Solèminis dda iant arricia in fèudu paricis feudatàrius ibèricus, perou in su de cuìndixi seculus (XV sec.) no ddui biviati giai nisciunus.

In su Milli-e-sexentus trintaseti (1637) su logu anca si fut strantaxada Solèminis ddu iat comporau po trinta milla francus (30.000 lire) Francesco Vico, chi teniat su tìtulu de marchesi de Solèminis, e chi iat cuntzèdiu su logu a su nèbodi po nci ddu torrai a populai.

Sa scidadura demogràfica no iat sighiu a longu po mori de s'epidemia de pesti chi si-nci fiat spainada in s'ìsula in su Milli-e-sexentus cincuantaduus (1652).

Sceti in is annus apustis, grazias a sa concessioni de is franchìtzias, fiant apruillaus àterus massajus, e su logu fiat torrau a vida noa.

In su Milli-e-otuxentus doxi (1812) is Amat de San Filippo iant tentu po sutzessioni su marchesau e sa bidda si-nci fiat scabullada in su Milli-e-otuxentus trintanoi (1839) cun sa moridura de su sistema feudali po anca a benni a èssiri unu comunu aministrau de unu sìndigu e de unu consillu comunali.

MONUMENTUS E LOGUS DE IMPORTU MANNU

Architeduras religiosas

- Parròchia de Santu Jacu
- Crèsia de Santu Sidoru

Architeduras tzivilis

- Domu Corda/Spada

Logus archiològicus

- Su Cùccuru de Sa Crèsia Arta
- Is Calitas
- Facc'e 'Idda


Àreas naturalis

De importu su parcu regionali de Mont'Arrùbiu, àrea protègia de sa Regioni Sardìnnia

SOTZIEDADI

Andamentu de sa popolatzioni

Bividoris censius



Lìnguas e fueddadas

Sa lìngua ufitziali est s'italianu. Sa varianti de su sardu fueddau a Solèminis est su campidanesu ocidentali.

Connotu e folclori

Intra is manifestatzionis de importu ddui funt:

- Festa de su Santu Patronu (Santu Jacu)
- Festa de Santu Sidoru e sa sagra de sa fai

ECONOMIA

Solèminis bivit pruschetotu gràtzias a su traballu de is massajus e de is pastoris, medas funt is allevamentus de puddas, e su chi manìgiant de prus funt sa bìngia e, sodighendi, s'olia.

Famadas funt is cantinas Pili de innui faint unu binu de calidadi meda agradèssia.

INFRASTRUTURAS E TRASPORTUS

Ferrovias

In su Comunu s'agatat sa firmada de Solèminis, in sa parti sud-ocidentali aforas de sa bidde, a oru a oru de sa Ferrovia Casteddu-Ìsili. Su scalu est collegau de is trenus de s'ARST (Sienda Regionali Sarda Trasportus), cun capulinea a Pauli e Ìsili.